

# Rezultati zimskog prebrojavanja ptica močvarica u Bosni i Hercegovini u 2006. godini

Ilhan Dervović

Udruženje za zaštitu prirode "Vidra" Visoko\*

**Dervović, I., 2006:** Results of the winter counting of waterbirds in Bosnia and Herzegovina in 2006

In the period from 13 to 15 January 2006, during the regular winter counting of waterbirds in Bosnia and Herzegovina, counting was conducted on the rivers Bosna (from the source down to Zenica), Fojnica (from the town of Fojnica to the joint of the rivers Fojnica and Bosna), Miljacka, Željeznica, Vrbas (area of Banja Luka), and Drina (area of Zvornik). Counting included 6 species, and 1871 individuals were counted in total.

Key words: winter counting, waterbirds, 2006, Bosnia and Herzegovina

Zimsko prebrojavanje ptica močvarica vrši se u sklopu velike kampanje zimskog brojanja ptica koje se svakog januara, od 1967. godine, vrši u području zapadnog Palearktika i jugozapadne Azije. Organizator zimskog brojanja ptica je Wetland International. Brojanje se vrši od 13. do 15. januara na području 47 zemalja i u njemu učestvuje više od 11.000 brojača. U Bosni i Hercegovini zimsko prebrojavanje ptica močvarica se vrši od 1998. godine. Te godine je udruženje za zaštitu prirode "Vidra" iz Visokog prvi puta izvršilo prebrojavanje ptica u dolini rijeka Bosne i Fojnice. Rezultati ovih prebrojavanja su objavljeni u publikaciji *"Numbers and distribution of wintering waterbirds in the Western Palearctic and Southwest Asia in 1997, 1998 and 1999"* u izdanju Wetland International. Također, pregled rezultata prebrojavanja od 1998. do 2005. godine objavljen je u prvom broju "Biltena Mreže posmatrača ptica u Bosni i Hercegovini" (Dervović, 2005.).

U 2006. godini prebrojavanje je organizovano na području rijeka Bosne (od izvora nizvodno do Zenice), Fojnice (od Fojnice do ušća u rijeku Bosnu), Miljacke, Željeznice, Vrbasa (na području Banja Luke) i Drine (na području Zvornika). U brojanju su učestvovali članovi Udruženja za zaštitu prirode "Vidra" iz Visokog i članovi Ornitološkog društva "Naše ptice" iz Sarajeva i Banja Luke.

---

\* Visočkih brigada 21, 71300 Visoko

**Tabela 1.** Rezultati prebrojavanja ptica močvarica u Bosni i Hercegovini u 2006.godini

| Vrsta                  | Broj prebrojanih jedinki |
|------------------------|--------------------------|
| Anas platyrhynchos     | 994                      |
| Anas crecca            | 122                      |
| Ardea cinerea          | 86                       |
| Fulica atra            | 9                        |
| Tachybaptus ruficollis | 44                       |
| Phalacrocorax carbo    | 616                      |
| <b>UKUPNO</b>          | <b>1871</b>              |

U odnosu na prebrojavanja u posljednjih šest godina nije zabilježena patka pupčanica (*Anas querquedula*). Također, u odnosu na spomenuta prebrojavanja, konstatovan je i znatno manji broj jedinki pojedinih vrsta (Dervović,2005).

Iako je prebrojavanjem obuhvaćen mali procenat vodenih površina, dobiveni rezultati su značajni jer je u odnosu na ranije godine prostor proširen i na druge vodotoke u Bosni i Hercegovini. S obzirom na to da se prikupljeni podaci publikuju zajedno sa rezultatima drugih evropskih i azijskih zemalja, poželjno bi bilo da se u prebrojavanje uključe pojedinci i udruženja iz južnog dijela naše zemlje ili Javno poduzeće "Park prirode Hutovo blato" gdje se u vrijeme zimskog prebrojavanja zadržava veći broj ptica.

## Literatura

Dervović, I. 2005: Rezultati januarskog brojanja vodenih ptica 1998-2005. Bilten Mreže posmatrača ptica u Bosni i Hercegovini, 1(1): 43-45.